

Z A K O N
O IZMJENAMA ZAKONA
O KOMUNALNIM TAKSAMA

Član 1.

(Izmjena)

U Zakonu o komunalnim taksama („Službene novine Srednjobosanskog kantona“, broj: 2/12, 5/14 i 2/18), u članu 2. tačka a) briše se.

Dosadašnje tačke b), c), d) i e) postaju tačke a), b), c) i d).

Član 2.

(Izmjena)

U članu 3. stav (2) briše se.

Član 3.

(Brisanje člana)

Član 4. briše se.

Član 4.

(Izmjena)

U nazivu člana 7. riječi „i prestanak“ brišu se.

U članu 7. stav (2) briše se.

Član 5.

(Izmjena)

Član 8. mijenja se i glasi:

„Član (8)

(1) Taksa se uplaćuje u korist računa javnih prihoda Budžeta Kantona i prihod je jedinica lokalne samouprave u skladu sa Zakonom o pripadnosti javnih prihoda u SBK („Službene novine Srednjobosanskog kantona", broj: 3/10).

(2) Taksa iz stava (1) ovog člana uplaćuje se prema vrsti prihoda razvrstanih prema propisu kojim se uređuje način uplate, pripadnost i raspodjela javnih prihoda u Federaciji Bosne i Hercegovine.“

Član 6.

(Izmjena)

U članu 11. stav (1) mijenja se i glasi:

„(1) Obveznik plaćanja takse za držanje sredstava za igru u ugostiteljskim i ostalim objektima kojima priređivanje zabavnih igara nije osnovna djelatnost (bilijar, fliperi, videoigre, pikado i slično) dužan je Poreznoj upravi podnijeti prijavu za razrez takse.“

U članu 11. stav (2) mijenja se i glasi:

„(2) Prijava iz stava (1) ovog člana sadrži sljedeće: naziv pravne ili fizičke osobe koja obavlja djelatnost na osnovu odobrenja nadležnog organa, sjedište ili prebivalište obveznika plaćanja, broj obveznikovog računa (otvorenog kod ovlaštene organizacije za obavljanje platnog prometa), mjesto gdje se sredstva za igru nalaze te vrstu i broj sredstava za igru, kao i tačan iznos takse iz Tarife.“

Član 7.

(Izmjena)

U članu 12. stav (4) mijenja se i glasi:

„(4) Novoregistrovani takseni obveznik za držanje sredstava za igru u ugostiteljskim i ostalim objektima kojima priređivanje zabavnih igara nije osnovna djelatnost (bilijar, fliperi, videoigre, pikado i slično) dužan je podnijeti prijavu najkasnije 30 dana nakon početka obavljanja djelatnosti.“

Član 8.

(Izmjena)

U članu 14. stav (1) mijenja se i glasi:

„(1) Taksu za držanje sredstava za igru u ugostiteljskim i ostalim objektima kojima priređivanje zabavnih igara nije osnovna djelatnost (bilijar, fliperi, videoigre, pikado i slično), takseni obveznik plaća u roku od 15 dana nakon isteka roka za prijavljivanje takse.“

Stav (2) mijenja se i glasi:

„(2) Taksu za organizovanje izvođenja muzike uživo u ugostiteljskom objektu i za isticanje plakata i panoa na javnim mjestima, takseni obveznik plaća u roku od sedam dana od nastanka taksene obaveze.“

Stav (3) mijenja se i glasi:

„(3) Taksu za zauzimanje pločnika i ostalih javnih površina ispred poslovnih prostorija takseni obveznik plaća kod nadležnog organa unaprijed, prije izdavanja rješenja za zauzimanje pločnika ili ostalih površina, srazmjerno vremenu za koje se odobrenje izdaje.“

Član 9.

(Izmjena)

U članu 15. stav (1) mijenja se i glasi:

„(1) Takseni obveznik za organizovanje izvođenja muzike uživo u ugostiteljskom objektu, za zauzimanje pločnika i ostalih javnih površina ispred poslovnih prostorija i za isticanje plakata i panoa na javnim mjestima, dužan je Poreznoj upravi podnijeti prijavu obračunate i plaćene takse.“

Član 10

(Izmjena)

U članu 21. tarifni broj 1. briše se.

Napomena briše se.

Dosadašnji tarifni brojevi 2., 3., 4. i 5. postaju tarifni brojevi 1., 2., 3. i 4.

Član 11.

(Izmjena)

U članu 22. stav (1) tačka a) briše se.

Dosadašnje tačke b), c), d), e) i f) postaju tačke a), b), c), d) i e).

Član 12.

(Izmjena)

U članu 23. stav (1) tačka a) briše se.

Dosadašnje tačke b), c), d), e) i f) postaju a), b), c), d) i e).

Član 13.

(Stupanje na snagu)

Ovaj Zakon stupa na snagu osmog dana od dana objave u „Službenim novinama Srednjobosanskog kantona“.

Broj: 01-02-989/25 PREDSEDavajući SKUPŠTINE

30. septembra 2025.

Travnik

Dražen Matišić, s. r.
